



UNIVERSITÄTS-  
BIBLIOTHEK  
PADERBORN

**Claudii Fleurii Abbatis Historia Ecclesiastica**

Ab anno Christi 1611. usque ad annum 1617

**Fleury, Claude**

**August. Vind. [u.a.], 1777**

**VD18 90118898**

§. 71. Pax inter Mathiam Imperatorem, & Turcas inita.

---

[urn:nbn:de:hbz:466:1-67313](#)

rant, omnibus suis subditis novos por- Sæc. XVII.  
tus, insulas, aut Regiones aperiendi A.C. 1614.  
potestatem fecere, eodemque anno  
Moscoviæ Ducis Legatum, qui fœdus  
cum ipsis Ordinibus pangere expetebat,  
humaniter excipientes, muneribus au-  
ctum dimiserunt. Eodem quoque anno,  
conatu tamen magis laudando, Gronin-  
ga Urbe Fœderatis subjecta a Civibus  
atque Ommelandicis incolis erecta est  
Academia, quam primus omnium re-  
gere cœperat Ubbo Emmius celebris il-  
le Frisiæ Occidentalis Historicus.

## §. LXXI.

*Pax inter Mathiam Imperatorem, & Turcas inita.*

Sub idem tempus Mathias Imperator Bald. Chron.  
Lintzii in Austria comitia celebrabat, moral. l.c.  
ad quæ omnes hæreditariæ Cæsaris Merc. Gall.  
Provinciæ convenerant. Exponebatur tom. 10. l. 2. ¶  
hoc in conventu, quod Turcæ novis,  
crebrisque excursionibus pacem violan-  
tes, non modo Valachiam & Molda-  
viam, sed & Transylvaniam sibi pro-  
priam, non sine maximo Christianæ  
Reipublicæ damno, nuper asseruerint,  
ac Sultanus nullatenus permettere ve-  
lit, ut Cæsar vel Germani Transylva-  
nis legem ullam posthac præscriberent:  
deliberandum igitur, quid ei ad hæc

A a 5

omnia

Sæc. XVII. omnia respondendum , & utrum ejus-  
A.C. 1614. dem Legatus admittendus , novaque  
cum Sultano transactio ineunda sit , ac  
denique si Hungariam quoque interim  
invadat , num ad pacis consilia a Cæsa-  
re nondum tentata descendere expediat ?  
Advenit interea Lintzium Sultani Lega-  
tus , mox igitur congregati Ordines re-  
sponsum suum ad singula habitæ con-  
sultationis capita Cæsari exhibebant :  
Hungari vero responso suo nuper jam  
transmisso insistebant , Transylvani  
econtra , ne exercitus in Provinciam  
suam inferretur , toto studio depreca-  
bantur.

*Khevenhill.* Tandem vero fluctuantes Or-  
*tom. 8. p. 742.* dinum animos firmabat Mehemethis  
*Ludolff. l.* Kiahiae Turcici Legati adventus , qui  
*15. c. 2. n.* anni sequentis die duodecima Maij Vi-  
*42.* ennam solemnii pompa ingressus , Ach-  
metis Ottomanici Imperatoris nomine,  
de concordia cum Mathia Cæsare agere  
cœperat , pacis consilia tandem extor-  
quente adversa , qua Turcæ premeban-  
tur , fortuna ; quippe Emiris Sidonen-  
sis Filii Prætorem damascenum cum ma-  
gna Turcarum multitudine prælio fusum  
interfecerant , Nasuffus quoque , cuius  
Patrem Achmetes laqueo suffocari jus-  
serat , incendiis & rapinis Asiam fæde-  
lateque proterebat : Coffacci etiam  
Constantinopolin usque populabundi ex-  
currebant , indeque in Bythiniam , &  
Paphla-

Paphlagoniam conversi, ferro flamma- Sæc. XVII.  
que universam vastabant Regionem, A.C. 1614.  
Trapezuntem quoque unacum portu,  
viginti septem triremibus & armamen-  
tario Turcico evertebant, Synope urbe  
antiquissima in cineres redacta \*. Ac-  
riter insuper a Persis, atque Asiaticis  
urgebantur Turcæ, magnasque subin-  
de clades a Christianis accepere. His  
igitur, aliisque tam exteris, quam do-  
mesticis calamitatibus undique obrutus  
Turcarum Imperator, in vicennales in-  
ducias cum Mathia Cæsare ineundas  
consensit, quibus etiam pacis Situato-  
rocensis articuli anno Christi millesimo  
sexcentesimo sexto sanciti, fuere con-  
firmati, simulque Christianis omnibus,  
atque ipsis etiam Jesuitis Templa seu  
Oratoria per universum Imperium Otto-  
manicum erigere concessum est. Has  
porro inducias Mathias Cæsar primo  
Pragæ die prima Decembris anno Do-  
mini millesimo sexcentesimo decimo  
quinto, ac rursus die prima Maij anni  
sequentis ratas habuit. Eo igitur pa-  
cto tandem Hungariæ & Transylvaniæ  
tamdiu exoptata pax redditæ est. Eo-  
dem quoque anno Achmetes cum Da-  
drano

---

\* Hæc eadem urbs progressu temporis re-  
staurata hodie a Turcis Por - Dapas nominatur.

Sæc. XVII. drano Georgianorum Principe pacis fœderata inibat.  
A. C. 1614.

## §. LXXII.

*Philippus Nerius & Theresia a Jesu  
Beatorum fastis a Paulo V.  
adscripti.*

Ad hujus anni diem decimam quartam Maij referunt nonnulli Beati Philippi Nerii Beatificationem, quamvis alii eandem ad diem vigesimam tertiam Aprilis anni sequentis reiiciant; postquam enim quarto post sancti hujus Viri obitum anno Corpus ejus integrum, ac ipsius memoria virtutum splendore & prodigiorum copia ubique sanctitatis famam diffunderet, Paulus V. in acta ac ipsius miracula demandatis inquirendi curis eundem Beatis palam adnumerabat. Iisdem publicis honoribus decorabat idem Pontifex Sanctam Theresiam a Jesu Carmelitani Ordinis restauratricem, quæ tam in vita quam post mortem prodigiis celebratissima per totam Hispaniam velut Sancta colebatur: quocirca Clemens VIII. Philippo II. Hispaniarum Rege, Regina, Archiepiscopis aliisque innumeris impense rogantibus, cuncta ipsius gesta & prodigia exactissime discuti jussit, omnibusque rite comprobatis sanctam hanc Virginem